

06 OCT 1996

SUHARTO HADIRI MAJLIS MAKAN MALAM DI SRI PERDANA (Bergambar)

KUALA LUMPUR, 6 Okt (Bernama) -- Presiden Suharto menghadiri satu majlis makan malam yang dihoskan Perdana Menteri Datuk Seri Dr Mahathir Mohamad di kediaman rasminya, Sri Perdana, di sini malam ini.

Presiden Indonesia itu diiringi Menteri Luar Ali Alatas dan Menteri Negara, Moerdino.

Suharto sedang dalam rangka lawatan bekerja selama dua hari sebagai sebahagian daripada pertemuan dua hala antara kedua pemimpin itu yang diadakan dari semasa ke semasa secara bergilir-gilir di Indonesia dan Malaysia.

Pemimpin Indonesia itu dijadual mengadakan perbincangan dengan Dr Mahathir mengenai isu-isu dua hala, serantau dan antarabangsa di Jabatan Perdana Menteri pagi esok.

Yang turut hadir di majlis itu ialah Timbalan Perdana Menteri Datuk Seri Anwar Ibrahim, Menteri Luar Datuk Abdullah Haji Ahmad Badawi dan Menteri Penerangan Datuk Mohamed Rahmat selaku Menteri Pengiring. --

BERNAMA

HS MZ RON